

灌陽縣志卷二十三

齊諧博異集異搜神等記志怪也聖人所不語惟休咎時恒疇徵洪範吉凶災異筆著麟經蓋天事之禍福視乎人事之得失人作善則降之祥作不善則降之殃天人之感微矣是烏可以不志也第事不類乎分門其軼乃時時見乎他說雜而不越所以補遺也

述雜記

事紀傳疑

紀異仙釋

機祥

事紀

秦始皇帝三十三年置桂林南海象郡

漢高帝五年以長沙豫章象郡桂林南海為番君

後漢世祖十八年遣伏波將軍馬援樓船將軍段志

灌陽縣志

卷二十三

事紀

討徵側徵二發零陵及長沙桂陽兵

十九年破交趾九真徙其渠師三百餘口於零陵嶺

表悉平

桓帝八年桂陽賊胡蘭與荊州兵朱蓋等攻零陵為

害

陳審上疏曰三郡之民陛下之赤子也致令赤子為害豈非所在貪虐使其然乎宜嚴敕三府隱嚴牧守令長侵暴百姓者即便舉奏更選清賢奉公之人可不勞王師而羣賊弭息

獻帝建安十九年零陵蔣琬劉巴悉歸備

二十年孫權遣呂蒙取零陵桂陽長沙三郡備命關

羽拒之尋及權盟分荊州割湘水為界零陵仍屬

備

二十四年劉備改元昭烈帝

昭烈帝章武三年崩零陵等郡始附於吳



後帝延熙十八年後改元炎興元年漢亡

三國吳甘露元年以零陵南部為始安郡吳志孫皓傳

甘露三年分鬱林為桂林同上

晉懷帝永嘉元年以臨賀始興始安三郡凡二十縣

為湘州晉書地理志

唐懿宗咸通三年嶺南分五管廣管桂管邕管容管

安南管資治通鑑

唐僖宗乾符六年四月黃巢陷桂管舊唐書僖宗紀

德宗建中元年敕天下行楊炎所議兩稅法

順宗永貞元年八月柳宗元坐黨貶永州司馬

宋太祖乾德三年永州文氏女子化為丈夫

灌陽縣志卷二十三事紀 二

五年春三月五星聚奎

仁宗嘉祐元年十二月詔天下立義倉

唐代宗大歷五年夏四月裴蚪討賊玠社甫懷裴公

傳云雨來銅柱北應洗伏波軍

宋紹興五年曹成寇灌陽殺戮民人死者十八九節

命太尉岳飛勦平於下鄉大覺寺作冥陽水陸會

超度立碑紀事記係迪功郎昭州昭平縣簿尉巡

捉私鹽茶礬蔣岫撰迪功郎任昭州恭城縣令主

管勸農公事范鯁夫題額

元至順元年二月獠賊入灌陽縣劫民財元史文宗紀

明洪武八年春正月詔天下立社學



二十七年韓觀會湖廣兵討全州灌陽諸徭斬千四百餘人

明史韓觀傳

初灌陽縣隸湖廣因廣西平川等三十六源徭賊作亂攻擊縣治詔寶慶衛指揮孫宗總兵討平之

縣丞李原慶縣志作原受因奏灌陽去湖南遠隸廣西近遂以灌陽隸桂林置灌陽守禦千戶所命

廣西都指揮同知陶瑾領兵築城守之

明史土司傳

明正德十二年沈希儀破荔浦賊從副總兵張祐連破臨桂灌陽古田賊

清順治初明猶擁立桂王遣其將郝永忠曹志建焦璉等踞龍虎關有邑人劉霽起招鄉勇禦擊屢敗

灌陽縣志

卷二十三

事紀

三

之後為所擒遇害將及縣知縣杜魁林督邑人史文嗣復練鄉勇禦之志建兵突至杜令被獲剖焉

順治丁亥戊子己丑三年皆大饑庚寅年李定國兵亂劫掠鄉村

以上舊志

嘉慶二十四年土匪蔣伍益糾黨數百欲謀不軌經

族人廩生蔣宏慈暨地方紳董詢知肅函抵京通知邑人內閣侍讀學士卿祖培因詔見據實稟明

時奏章猶未就也上刻即飭將疏稿並書函呈覽不旬月有密旨逮下命兩廣總督部堂阮元帶兵

進剿住劄龍川書院擒渠魁而殲之邑中賴以安

參舊志



道光十二年湖南江華縣猺匪趙金龍蠱眾滋事幾

侵灌界巡撫那委泗城知府興仁融懷參將滿承

緒帶兵駐灌紳民籌派鄉勇七百二十人協同防

堵匪不致犯邑人唐逢年防堵江華猺匪事平碑

屢成且皆非粵鄰患不談軍旅不虞今年春正江華

來父老不見兵戈不談軍旅不虞今年春正江華

趙金龍脅黨起事勞我王師湖南提軍海寶慶協

馬初祖征至寧遠池塘墟突圍罹害猺益猖狂永

明道州接寧遠壤者匪類卒變良民驚奔而灌實

緊鄰道永二月十九日嚴况探知飛報縣尹德倉

皇失措星夜發稟請兵時謠言肆出人心惶恐部

院果委泗城府興融懷參戎滿於二十八日帶兵

到灌紳士具陳情勢及防堵策兩憲許可兩鄉各

設總局集十八堡團募勇每堡酌派四十八人每

日鄉勇七百二十八人總局紳士十九人管率各

隘者二十餘人各村自搭廠置器三月初齊赴隘

分上鄉守平江三峰判官紫石陡水毛竹江定岡

各隘與承明交界者有記分下鄉守永安關界牌

灌陽縣志卷二十三

事紀四

鳥水鐵坑高木清水塘各隘與道州交界者俱視  
簡要為多寡以守而築牆濬濠起蓋官兵廠則歸  
化之眾咸願執役焉口糧按地丁每一錢湊百枚  
核算僅敷給一月餘數得樂輸者數十人合錢四  
千六百四十八千歸總局發給各隘首事按名轉  
散官紳既肅鄉勇亦督其各村設湊極力急公者  
名不勝書軍聲齊震徭匪遠颺外靖內綏兵勇遞  
減五月初二滿參戎旋調過賀六月二十九日興  
守另委往梧局乃徹折廠為薪刃繳局鑄農器兩  
憲據籌辦樂輸各名詳撫賞銀牌贈力贊戎防額  
是役也共百二十餘日費四千六百串有奇仍以  
所餘歸所輸者合紀始末勒碑昭後永安關另留  
馬記

道光二十一年泡江鄔均萬等結盟拜會經舉人蔣

柄等呈報各憲訊明軍流十餘人

咸豐同治寇事始末記邑人戴汝霽咸豐四年甲

天科朱洪英等由恭入灌先是兵勇堵禦定崗隘  
馬漕等處賊由徑路吹禾嶺人時兵勇猶守隘後



灌陽縣志

卷二十三

事紀

五

偵知相率與戰典史婁泰殉難於觀音閣兵勇被傷者十餘人賊踞上鄉焚燒屋宇劫掠富戶灌勇協全州兵勇來援不利城守潘勝榮全州廩生廖祖昌戰死於官塘兵勇死者數十遂入下鄉滋擾出全州境九月二十二日復由州入灌十一月二十五日三入灌十二月復燒老石橋官田南江等匪糾集外境徭人千餘焚燒老石橋官田南江等處殺斃廩生陳毓德監生蔣秉國及村民數十人除夕日經鄉勇逐散五年乙卯三月初九日賊復由恭入灌齊集鄉勇防堵不利殺生員王道成莫遺童生戴毓椿文宗智羅官清等數十人遂抵縣城焚燒衙門並各處房屋四月一初二七始退迄後或一年來四五次或三四次一月二次不等數年間兩鄉人民頻遭荼毒安枕無日遠居鄰境者有以莫安桑梓是皆苟全性命而已至十一年辛酉四月賊踞時官屯週圍築土城與江口文家洞一帶鄉勇亦被傷日攻擊直搗巢穴殺賊數百奔走無路縣陳如金為之招安又委鹽法道蘇鳳文帶兵來灌招撫賊渠以下分遣出境自是邑遂平安明

年為同治元年雖鄰邑間有小醜跳梁皆未來灌而閭閻之元氣因以漸復奈五月大饑上匪乘間竊發經地方紳董查知密稟於縣知縣陳如金督勇拿獲渠魁十餘人為之梟首示眾其餘黨匪皆潛蹤異域而地方於是平靖矣

光緒四年會匪蔣

等在全州石塘墟一帶地方

起事豎旗合境俱受驚慌經撫憲楊飭桂林府黃

協同興全兩州縣兵合剿緝獲十餘匪正法餘俱

鼠竄十二年大饑匪黨復乘機聚眾竄至大龍幸

同德團擊退殺斃多名以後或聚或散積至二十

三年五月二十一夜匪首王明卿糾聚黨羽數百

撲城燬署經各堡集團奮擊擒匪二十餘人梟首

嗣經定撫憲派邑紳唐景崧帶兵回籍保衛匪黨



遠颺後得無患

光緒七年崇順堡大河江有數十丐者突入徭民鄭

開運家惡索將開運九旬老母毆傷經團紳唐鍾  
麟等會議將惡丐十九人捆送邑署並昇開運老  
母相驗不日母斃蒙江邑尊貽規刻卽懲辦七人  
餘丐驅逐境外山居烟火遂得無虞

民國元二三年恭城永明有游匪嘯聚山谷大肆劫  
掠甚至拉生勒贖吾邑與恭永接壤亦遭荼毒廣  
西湖南兩省都督派兵合剿奈兵至則如鳥獸散  
兵退復如蜂蟻聚撲滅綦難現省防隊管帶蔣連  
杰幫帶呂鳴盛民軍所長文光管帶孫超分兵屯

灌陽縣志

卷二十三

事紀

六

紮各隘防堵以衛地方

雜記

陳文恭曰鄉前輩卿季兌先生爲余言灌陽縣有某  
被一衙蠹陰謀詐害至於妻鬻子賣田產均爲所  
有某猶羈囹圄中後漸知蠹之爲謀中心飲恨常  
在獄中歎曰吾此生不能報怨蠹亦垂老死誓當  
變蛇入其塚中吮其腦以洩其忿耳獄卒問其故  
爲之惻然因與蠹交好乃言於蠹蠹遂懊悔一日  
持酒肉入獄與某飲某旣積怨又恐其設害不敢  
近蠹再三告以懊悔之故且言爾田地現在願卽  
給還子爲代贖妻可另娶某初不之信蠹於獄前



立誓許爲立券獄卒從旁勸之其怒氣頓舒遂彼此暢飲某大醉而嘔有黑虫長半寸其形如蛇蠹益悔悟遂設法保之出獄一切悉如前約兩人竟保全無害云

陳榕門在官法戒錄

康熙十九年二月二十七日亂兵蹂躪地方近清塘村居人計二百七十八口匿於石巖避之兵知其逃也以火熏巖匿者皆斃越三年有鼎慈寺僧性覺等發心收巖內枯骸作一墳瘞之築以石邑舉人唐納牘立碑紀其事至道光十一年歷一百五十二載石且圯堆暫平有州同職文振超者憫之仍其舊捐貲以巨石廓其封俾二百七十八人之白骨久而不腐亦古人掩骼之遺意歟

灌陽縣志

卷二十三

雜記

七

嘉慶時有文祖玉者柳州把總肇權子也道教旣通醫術亦稔人以其似巫非巫似醫非醫均呼爲癩子但性素質直有求其祈福診病者往往靈驗人多德之光緒初年三甲坪突遭災犯有人言其顯靈捍禦平安沐其德者因建祠塑像以祀然人多不信尋其孫永幹永元親詣祠所見玉神像宛似前身因詢土人縷述顛末前疑始釋至今槐區林稠香烟樹繞殆爲遠近諸神冠

縣西八里丁塘側卿氏所居也道光二十四年八月時稻熟登場有卿先适者一日踐所已獲田中忽



陷下數丈深寬約八尺許水湧出成井适隨溺斃於中居人用長竿搨出相顧愕眙因憶丁塘舊爲丁三郎宅一夕沉爲深塘相傳郎且去洞庭爲水神茲先适離此不百步而沉沒先後無異感召之理殆或然歟

紀異

縣西三十里許有石巋然於峯秀堡之陽形似獅蹲首翹東北尾聳西南俗呼爲獅山寨山巔有廟神頗靈感近村香火屬焉相傳廟中有石曰大如鉢廟後有古藤纏樹忽一人藉此以居虔心奉神從未見其與人交易一物亦不乏食人以爲奇偶有

灌陽縣志

卷二十三

紀異

八

人躋廟禱神見以釜浙米以瓶住酒訝之詰所自來米從臼出酒係藤滴終歲依以爲命取之不竭不取亦無餘也或一二不速之客來差可供給來者弗信往試之則皆如所云疑始釋居約十數稔之久或以久不見其人上山探之其人已去不知所之入廟視臼曰無米至後觀藤藤不滴悵惘而返往告近村羣訝爲神或且以爲仙去云崇順堡佛臨庵內有天然石臼遺跡相傳昔時老僧每日獲米盈臼雖一人以至十餘人可供一飽與此相類錄之

鄧松古樟記

古有以樹記者若三槐若五桂誌盛德昭和氣也夫非有盛德積於前和氣蒸



於後山川何以獻其靈草木何以呈其異噫豈偶  
然哉余數過車頭蔣明府往來江畔則見此樹曰  
樟形如虬龍其橫亘兩岸又如橋然視其根固矣  
深矣且兩地生根矣其中支分派衍百子千孫蔓  
如也視其葉歲寒不凋蒼翠可人行者至此無不  
留連吟詩作賦盛稱此樹之奇也越數年蔣府閣  
族人謀曰此樹不生於深山曠野而生於吾族之  
下關不可不修砌以培之也如是眾志悅之不日  
成之欲立碣以垂後昆而問敘於余余喜蔣先人  
之盛德和氣猶植三槐種五桂者之綿綿未艾也  
爰樂爲之序並爲之贊 贊曰厥樟  
有神其葉蓁蓁培之永固佑啟後人

望月堡夏雲村之西南有犀牛潭潭岸有巖巖中石  
門石柱石磴石盆石樓隱然天成巖前數步峙一  
石臺高寬平峭羣水環流竹木蒼鬱明末有逸人  
居巖中自號烟霞主人傳有三仙人奕棋山腹烟  
霞主人與同昇去

灌陽縣志

卷二十三

紀異

九

縣治西關外王樓卿氏宅邊過脈之區江岸懸崖屢  
開石花花之開不一其處或開於大巖石龍頭石  
鯉魚石夫婦石其開處不同而石花則同也花之  
色如硃形如絨大者五六尺許小者二三尺許經  
三五日而謝十餘日而謝或十餘年開一次或數  
十年開一次僉曰卿氏石花之兆主文風焉鄉黨  
間走相觀覽噫異已

司署東車田村畔一小溪清流滌洞半里許樹木交  
加掩映禽語關關過其地者每徘徊久之所可異  
者隔江二丈餘南北岸二樹一幹橫生兩面無痕  
迹之可尋奇矣

蔣世材題云古木葱蘢隔岸湄昔  
通靈氣接瓊枝兩端吻合潭無地



始信天工造化奇又唐樹甲詩有云  
夾溝珠作樹橫水玉為繩誠異景也

縣北六十里江西義渡西岸有寄木樹生石上根盤  
節錯枝葉茂密如蓋渡此者愛其庇蔭幾樂而忘  
行第根大多露有唐運照者慮其根離石上而易  
枯也於道光十九年捐貲鳩石以固俾古蹟不泯  
行人可藉憇焉

禩祥原本作祥異  
今依省志式

漢

元帝建昭二年冬十二月楚地大雪深五尺省志州  
志俱無

成帝河平二年夏四月楚國雨雹大如斧飛鳥死

章帝建初四年甘露降零陵洮陽二縣省志零陵州  
志作泉陵

灌陽縣志卷二十三

禩祥

十

晉

成帝咸和四年五月甲子白鹿見零陽洮陽獲以獻

宋書符  
瑞志

宋

文帝元嘉元年秋八月零陵獻嘉禾異畝同穎省志  
無

十二月丙辰白象見零陵洮陽宋書符  
瑞書

唐

憲宗元和十四年八月丁丑歲星太白辰星聚於軫

占於喪在楚分與南方夷貊之國唐書天  
文志

宋

寧宗嘉定十六年大饑見蔣堯  
佐傳



元

順帝元統二年太白經天粵西叢載

至正元年春正月元日霜全州志

明

英宗天順四年桂林旱明史五行志

孝宗宏治元年春正月蝗李志

十年五月二十日仙源洞漲水五尺許

十一年六月桂林地有聲若雷旋陷九處大者圍十

七丈小者七丈或三丈明史五行志

本年戊午大饑見唐沾傳

武宗正德三年戊辰大饑按蔣文定公上外舅少保西軒先生陳公求賑濟鄉

灌陽縣志卷二十三 禮祥

十一

郡書云敝州及灌陽民之困於荒歉者極矣山間所生葛根蕨根與夫染色之樹根有曰金羊頭者掘之殆盡村落之間人皆菜色有夫賣妻者有父鬻子女者有飢困而自縊者有菜食既久困憊無力荷鋤田間困仆而死者春仲且然自今日至秋成尚數閱月不知將何以堪也節錄湘臯集

六年丁塘地陷二畝許深四五尺

十年閏四月初一日漲水進城四五尺

十三年四月初一日漲水進城四尺至五月初九

日又漲水進城三尺是年蠻賊起流劫鄉村

十四年恭荔寇陷城冬竹生荳角楓樹結梨子叢載

通志作

十五年四月十五日漲水進城二尺

十六年桃李冬花



世宗嘉靖元年五月十三日漲水進城三尺至十六

日又漲水進城二尺以上見舊志

神宗萬曆四十六年全省大旱民饑省志

清

康熙二年九月初八日下鄉大營山崩水湧剝去民

田本縣知縣薛坤單父牧經詳巡撫金光祖題報

豁免田稅在案省志

十七年彗星見東方是年吳三桂死全州志

四十二年大水鄉茶山口永里所沿江一帶田

畝陷成坎澤

四十四年正月二十九日東門內外民房盡燬焚

灌陽縣志

卷二十三

禮祥

十三

死嬰孩至二月虎入城食馬

四十五年五月大水沿江田畝多被剝壞

四十六年五月大水田畝剝陷者多

乾隆四十三年戊戌旱饑

四十七年壬寅秋地震

五十九年甲寅歲五月十九日巳時大水至縣署

儀門外行船邑中剝壞田地甚多

嘉慶五年庚申旱饑

嘉慶九年甲子歲三月十四日辰時仙源洞大水沙

羅源等處大石奔流沖壞田房沙子舖店洗去二

十餘間溺死者百有餘人次日各水復漲沖崩三



里馬渡等石橋

十九年板橋村右下岡廟後有古樹一株歷明及清經數百年忽枯槁已二十餘載至本年復生

道光十三年癸巳歲六月二十一日未時大水逾岸南津義渡船由東渡西將近岸突翻溺死二十餘人

十五年乙未歲夏有蝗入境幾傷貨物縣始立劉將軍廟蝗不爲災卿祖廡有記

道光二十七年丁未歲十二月大雪成冰田溝可通輿馬

二十九年己酉歲大水白梟魚至是年瘟疫盛行

灌陽縣志

卷二十三

雜祥

十三

三十年庚戌歲大饑斗米值錢伍百文

咸豐三年癸丑歲大水

四年冬有桐樹枝結如鎗紅巾卽竄灌境

七年春水漲江中來白梟魚甚多是歲大疫

十一年辛酉歲七月有虎過河入城廂噬馬

同治元年壬戌五月大饑斗米值錢六百餘

二年癸亥歲四月大

十年辛未歲四月十八日大水進城五尺儀門外可行船沿江田畝多被剝壞

光緒二年五月十七日大水沿江田畝剝壞甚夥七年春二月大雪冰堅十餘日不解河魚凍斃樹



未多折

十二年大饑邑中米粟空虛富戶集股至湖南衡府採買惜灘淺船阻行遲而恭邑富人陳興國賣穀千餘石以濟灌民

二十八年春水暴漲白梟魚結隊泝流而上是年秋冬疫癘大作死者十之二三地方棺木不給延巫建醮殆無虛日紙錢價增數倍

三十二年全州道州永明江華四屬饑荒來城糶米日約千人邑紳在城隍廟立米局按人發售由五月初至六月尾均能應給邑令謝國南稱

灌民頗重交鄰之義

灌陽縣志

卷二十三

禮祥

十四

宣統三年邑婦人有一產三胎二男一女者

本年邑人有嫁女宰豚剖其腹有二心相印符合如一

本年九月朔日食自八月至十二月計百餘日陰雨常半其晴霽無雲之日不及浹旬

民國二年三月十五日戌刻狂風四起古木盡拔越二日天落冰雹大如碗十九日大水天氣沍寒秧插過遲米價昂貴升百文斗千文古所未有知事林芾楨協紳至鄉查穀不敷移文至興全零東等處採辦運濟以拯民饑

三年五月二十連日雨水劇崩稻田九十月雷電



仙釋

明蔣興正一里人早中鄉試出為民牧致仕後隱於

仙源洞修煉

不知所終州守顧璘嘗訪其洞得與故樓石題詩其上

省志方伎

池道澄朝元觀道士年四十九一日晚飲酒盡數瓶

語其徒曰

今夜丑時一刻當別人間矣沐浴衣冠禮三清果至丑而逝

省志方伎

蔣開珣號石霞學元季子也弱冠遊泮藝林知名娶

呂氏有才德而珣淡於燕好性嗜靜常獨居一齋

怡情花木忽有客來訪綸巾葛服丰度飄然談論

豁人胸臆臨去出一書授之曰此仙家梯航也囑

不可忽自此誦習漸能辟穀脩然有出塵之想會

康熙戊子學元謝世喪葬甫畢無復留戀遂浩然

灌陽縣志

卷二十三

仙釋

十五

長往家人追尋至衡嶽入大谷中時際隆冬但見

兩岸桃花淑氣氤氳行到深處石壁間有詩曰千

年古洞四時春莫訝桃花兩岸新我愛白雲深處

好家人何用問迷津已而雲霧迷漫遂失所在意

者從赤松子遊殆不知其所終

傳疑

丁三郎不知何時人相傳一日廬舍忽沉舉家盡為

馮夷所劫其地化為百尋深潭因名丁塘秋水澄

澈鄉人偶有見其廬舍者至若顯聖洞庭楚人像

祀附於湖之龍王廟者本係三國吳丁奉非灌之

丁三郎也明甚然灌之沉沒者亦曰丁三郎灌先



隸楚故鄉人祀之遂謂三郎歿爲水神嗣是全灌  
渡湖者必具名投醮瞻拜從無風波之險商舟有  
搭全灌人亦私竊喜清封爲靖江王立有專祠夫  
流言決於智者丁公之事無志似未足信然其塘  
可考也丁王卽灌之丁三郎似亦無稽然前何故  
具名瞻拜全灌之人何以獨無風波之險舟客何  
以偏喜搭全灌之人使是說果真丁公聰明正直  
宜於人無所不庇豈獨偏護全灌示篤鄉情哉或  
者丁公雖爲神靈究不忘前生出處其事跡未嘗  
筆之於書千百年後或爲異鄉援引是出處不明  
也故以無所不庇之心而尤加意於全灌所以默  
曉然其爲灌邑丁塘之丁三郎與

示曰吾灌人也灌隸於全皆故鄉焉使人因是而  
營房神者不知何時人也其姓字亦無稽惟得諸傳  
聞古有虎頭太子作亂神與華山祠所祀之茅將  
軍奉命平寇鎮於斯卒於斯瘞於東閣外之荒郊  
斷壘猶存時人不忘有功遂於東閣建廟立像焉  
每歲祀期在孟夏月下浣八日以神誕辰也主祀  
者武營也迨時勢易祀典廢而神宇亦傾乾隆二  
十一年改建於西關湘館後未幾復傾又移建於  
慧明寺傍前符猗獬殃及神宇噫此滄海桑田之  
故歟是說也姓氏所不留邑乘所不載則近於荒



謬然觀其祠宇之建斷壟之存誕生之辰營房之義知無疑有功也夫古來功震寰區名垂宇宙如漢關聖宋岳王功在天下而天下祀之營房功被一隅而一隅祀之殆與顯忠祠類耶獲享血食有

由矣

見營房神碑記

琦友蔣佳徵令盱眙死寇相傳爲某山神殆至其處廟貌崇麗皆言蔣侯靈感然後知節義者天地所寶惜歿而爲神而民祀之其理又然也

醉白堂集

孫家村國學孫成秀之妻莫氏年八十二歲自知臨終日時預告其子子以是日孫女出閣氏改次日亥時先時命子媳櫛沐更衣端坐堂中跪奠畢果

灌陽縣志

卷二十三

傳疑

十七

逝